

Enirio-Aralarren magalean

tuaren arabera, 20 bat lanpostu sortuko lirateke turismo-gunearen inguruan, eta okupazio maila %50ekoa izango litzateke. Kalkulu hori kontrastatzen dator bidegarritasun txostena; LKSren-tzat %50eko erabilpen estimazioa oso baikorra da, baina bezero gutxiagorekin ere errentagarria izan daitekeela azpimarratzen du. Ildo beretik, 20 lanpostu izan ordez, uste du zuhurragoa dela esatea 14-16 lanpostu sortuko liratekeela.


Inguruan, Ataunen bertan edo eskualdean, sozioekonomikoki zer eragin izan dezkeen ere aztertu dute teknikariek. «Ikerketa batzuk esaten dute Estatuan lotan pezeta bat gastatzen duenak bi pezeta gastatzen dituela gero konsumitzen; orduan esan liteke konplexu horren inguruan urteko 200 milioi inguruko konsumo potentzial bat egon litekeela». Auzmendi bera ere nahiko zuhur mintzatzen da ildo horretan: «Jakín beharko da horri etekina ateratzen; ikusi beharko da ataundarrok badugun ahalmenik portzentaia handi bat Ataunen geldiarazteko. Horrek esan nahi du Ataunek, gaur dituen eskaintzaz gain, beste eskaintza batzuk desarroilatu beharko litzukeela».

Kezkak eta kritikak

Ingurugiro txostenak ez ditu EHNEkoen kritikak inondik ere isildu. Arazoari benetan eta erroterotik heldu partez, txostena aurreproiektuari zuzenketa batzuk egitera mugatzen dela deritzo sindikatuak: «Ez du ingurugiro eragina neurtzen, ez da ingurugiro eraginari buruzko txostena. Proiektuak ingurugiroan eragingo litzukeen kalteak murrizteko bideak proposatzen ditu, baina ez du esaten proiektua egingarria den ala ez».

Horrezaz gain, EHNE kritikoa agertu da nekazari inguruetan turismoari eman nahi zaion zentzuarekin. Haren aburuz, proiektu turistiko honek ez du ziurtatzen Ataunen garapena. «Jendea etorri eta joan egingo da, inguruari kalte egingo dio eta ez du herrian aberastasunik utziko». Herri nekazarien garapenari beste enfoke bat eman behar zaiola ulertzen du, hortaz. Eta, azken horri lotuta, Marumendiko proiektua landa turismoaren ordenaziotik at geratzen dela uste du: «Orotara 256 plazako turismo-gune modura planteatzen da, eta egun dauden bi legediek gehieneko muga bezala 40 plaza aurreikusten dituzte hotelen kasuan eta 24 apartamendu turistikoaren kasuan, nekazaritza inguruetan jakina». Ur beltzak eta piszinako urak tratatzeko aurreikusten den prozedura ez da nahikoa EHNERentzat, eta ezin du ahaztu Marumendiko pagadia kalitate goreneko haztegi izendatu zutela, beste hainbat eta hainbat gauzaren artean.

Eguzkiko ekologistak atzo bildu ziren Ataunen Udaleko ordezkariekin, eta atzo eguerdira arte ez zuten izan aipatu bi txostenen emaitzen berri, baina aurreproiektuak zalantza ugari eragin zizkiren hainbat gaitan: pista dela, aparkalekuak direla, piszinako urak, argindarra...



«Euskal kutsuko» egurrezko etxolak egiten ditu Adur enpresa eraikitzaileak. Honako hau sarrerakoa litzateke; denda, jatetxea eta bilerak egiteko edo eskolak emateko gela ditu bere baitan.

Turismo arloan lehiakor izan nahi du Adurren proiektuak

IPAR EUSKAL HERRIAN Enbata da eta Hego Euskal Herrian, berriz, Adur. Ataunen ez ezik, Euskal Herriko beste hainbat eskualde eta inguru ederretan ere «turismo arloan lehiakor izango den hotela» bultzatzea helburu duen eraikuntza enpresa da. Eta Luis Fernandez Arribillaga dugu promotorako buru. «Gu Iparraldean aritzen gara, hotelak, apartamenduak eta euskal erako eta zaporeko egurrezko etxeak eraikitzen. 10.000 lagun eraman ditugu guk Landetara, adibidez, Hegoaldeko bidaia agentziekin ere lan egiten dugu eta». Eta horrela, Enbatak Iparraldean egindako lanaren oihartzuna GOIEKiren belarrietaraino ere iritsi zen.

Fernandez Arribillagak kontatu digunez, 1997ko urtarrilean jarri ziren beraiekin harremanetan GOIEKikoak, Goierriko garapenerako agentziakoak, eta Goierri 2005 Plangintza -eskualdean turismo arloan bultzatzen ari diren ekimenak- aurkeztu eta gero, zera aipatu zieten Adurrekoei: eskualdean lau udal zituztela hotel-guneak garatzeko prest, Ataun, Ordizia, Lazkao eta Idiazabal alegia. «Lau leku erakutsi zizkiguten herri bakoitzeko alkateek, eta proposatutakoetatik bi hartu genituen; bata Ordizian, Oianguko parkean, eta bestea Ataunen». Eta hortik aurrera hasi ziren promotorakoak jendarekin hitz egin eta planoak lantzen.

Lareoko proiektuari alde onak baino ez dizkio ikusten Fernandez Arribillaga sustatzaileak. «Kontua da Ataunen zahartzen ari dela jendea, gazteak kanpora doazela, industriarik ez dela, eta etxolatu batzuk egitea...». Gainera, bere ikuspuntuaren arabe-

ra, «bertara joango da Ataungo baserritarra asto gaineen esnea saltzera, beste herritar batek ogia salduko du, eta kanpotik datozen bisitariak herrira jaitsiko dira, kontsumitu egingo dute, eta kittol!».

Halaber, ekologistek proiektuari egin dizkieten kritikek nondik heldu ez dutela uste du. Argudioak eta argudioak jarri dizkigu mahai gaineen: «Munduko beste parke guztietan etxolaguneak egin badira, izan da parkea kontrolatzeko. Zuk ezin duzu galarazi edo debekatu jen-

dea parkeetara joatea, edonon kanpatzea, sua piztea, zikinkeria botatzea, lanroberrean hemen eta han ibiltzea... Hori kontrolatzen da parkeko eremu batean leku bat ezarrita; hartara, jendeak gaua bertan ematen du, otorduak han egiten ditu, autoak aparkalekuan uzten ditu...».

Urkilaga gainetik Marumendi basora doan mendi-bidea bere horretan uztea proposatu du Adurrek, eguzki plaken alternatiba erabiltzeko aukerak aztertzen ari da, ur baliabideak kutsatzen ez dituen gunea planteatu du, edozein euskal herritarrek ordainduko litzukeen prezioak ezartzea proposatu... Azken batean, bere ekimena guztiz ekologista dela esan nahi du argudio horiekin guztiekin. «Alternatiba bat eman nahi dugu. Euskal Herrian ezin gara atzera begira gelditu, beharrezkoa dugu lanpostuak sortzea eta gure herriei arnasa berria ematea», dio Luis Fernandez Arribillagak.

Euskal Herriko beste hainbat eskualde eta inguru ederretan «turismo arloan lehiakor izango den hotela» altxatzea du helburu Adur eraikuntza enpresak

Iratiko txaletak, Ataungoen eredu

«ATAUNEN ez dugu ezer berri asmatuko», dio Aitor Auzmendi alkateak. «Larrañen, hor ditugu Iratiko Txaleak. Tamainaz oso antzekoa da proiektua; lanpostuei eta sor daitekeen aberastasunari buruz ari garela, han kontrastatu ditugu datuak».

Iratin 40 txalet daude eta 16 lagun ari dira lanean, eta urte sasoi batzuetan lanpostu gehiago ere izaten dira. Baina alde bat badago; Ataungo kasuan baino urrutirago daude herritik, mendian barrurago eta isolatuago. Baita beste bat ere: bere garaian diru publikoa inbertitu zela Iratiko oihanean. «Diferentzia litzateke, beraz, Ataunen diru publikorik jarri beharrik ez genukeela izango. Interesgarria iruditzen zaigu enpresa pribatua tarteko izatea, era honetako ekimen batean diru publikoa inbertitu beharez izatea», nabarmendu du Auzmendik.

Duela 30 urte eraiki zituen Iratiko txaleak Zuberoako Sindikatak. Berez lur komunalak kudeatzea, artzain txabolei kasu egitea eta basoko enborrak saltzea zuen egiteko, eta beste zeregin bati ekingo ziola jakitean, kontrako ahotsak entzun ziren. Baina oposizio handirik ere ez zuen izan, ingurugiroarekiko errespetu handiz funtzionatu zuen aldetik. «Ingurugiroarekin ez dugu arazorik ukan. Basoa guti hondatu da, arbolak guti moztu ditugu. Lekua deitzen da Bagargi; pagoak argi dira, ez da anitz arbola, eta txalet bakoitza ezartzeko ez zen leku problemarik izan».

Pierre Elixondoborde zuzendariak azaldu digunez, Iratiko 40 txaletetan 360 lagun sartzen dira. Bezero gehienak Bordele, Baiona, Miarritze eta itsasaldekoak dira, eta %25 dira Hegoaldekoak. «Urte guztian 30 aste beterik egiten ditugu batez beste. 70.000 lagunek iragaiten dute gaua». Baina bestela pentsa litekeen arren, etekinik ez dute egiten: «Gu saiatzen gara heltzen oreka batera». Zuzendariaren balantzea, ordea, baikorra da oso. X



OKINDEGIA ETA GOZOTEGI ETXEKOAK

MARCO S

panificadora

- Zumalakarregi Kalea, 24 - Telf.: 51 07 85 - PASAI ANTZO
- Urdaburu Kalea, 2 - Jurko Auzoa - Telf.: 52 95 98 - LEZO
- Urdaburu P., 45 Pablioiak - Telf.: 45 09 66 - MARTUTENE
- Ategorrieta Etorbidea, 33 - Telf.: 27 48 48 - DONOSTIA